

金
石
萃
編

金石萃編卷四十八

賜進士出身 誥授光祿大夫刑部右侍郎加七級王昶撰

唐八

高士廉碑

碑連額高一丈四尺二寸廣五尺二分三十七行行
八十一字正書額題大唐尚書右僕射司徒申文獻
公瑩兆記十六字篆
書在醴泉縣昭陵

大唐故開府儀同三司□□□□□□上柱國贈□□□

□□□□文獻公□□□□記

□□□□□□□□□□□□□□高陽縣開國公許

敬宗撰

□□府錄事參軍□趙模書

蓋聞高陽洪胄響振虞庭□□□□□□□□□□

□□□粵□□獻公□公諱儉字士廉□□□□□□

□□□□□靈命□河□壤咸樹懿□□玉□金寵隆

磐石鄆郇魯衛並□□□風□□□□□濟於皇

謀亦旣昭于史冊此可略□言焉曾祖翻□□□□

尉□黃鉞□尙書事□清河□□□□武□□□□

□□□□躬□擁樹□□□□密□英雄道濟□□

實□宣力祖□尙書令太尉□□□□畿大都督太宰

假黃鉞清河□武王□□□□□□□□□□□□

□□□溪而□解精通廟略望鬼谷以□□□□□□
□□□□□□□□□□□□□□□□□□公□□□
□□□□□□□□□□□□□□□素里□□□人□祖□□
□□□中書侍郎薛道衡□□張左莫不聞風扼腕申
以志□□交承閑載酒服□□□之義□□□□□之□
□石□□□□□□□□□□□□□□□□□□□□□
□□□□□□□□□敬從□貢□□□□□□□□□郎奏太
子舍人事若夫□雲遊霧□漸陸以高驥拂日摩霄□
尺木而爲本聊□蠖□□□□□□□□□□□□□□□
□□□□□□□□□□□□□□□□□□□□□□□□□□

□□□□□□生□服□□□□馬氏□□□□□□
□□□□□□於公雅量□□□□□□于時□庭選□
鯨鯢孔熾瀟湘□□梟獍□□□□□□□□□□
公□□□□□□□□□□□□□□□□□□□□□□

大唐握符劍□革命受昌□蘇之□□□□□□□□□□
□□□□□□□□□□□□□□□□□□□□□□□□
□□□□度□□□□□□□□□□□□□□□□□□□□□
之□尙□桴鼓以公爲□□司馬□大將軍□奉之牧
卽 文皇帝也神武開天風雲感□庶□人□□□

□□□□□□□□□□□□□□□□□□□□□□□□□□
□□□□□□□□□□□□□□□□□□□□□□□□□□□□

□□□□□□得□□□□□□襟若□□□□
如投水故以潤色□造發潛機□□橫□□光贊□□
□德暉於樂善若斯而□□□會□伊始□□□□□
□太宗入備則□引爲右庶子俄而 柴宸

□□□□□□□□□□射之清賞□□□
□□□ 明儲舊邦之命惟□□□□□□卽
以其□進拜□□封義□郡公邑□□戶真□□□賦
□百戶豐貂緝禮發天□之榮曜桓珪分器□□□之
□□□□勲□□□□□□皇薄俗解珮□□章華□
□剽□□□□通夷□□帶□□□之□地接蠻陬□□

□□之□變其流蕩必□仁□是□□公□安□慶高
循五督府四十八州諸軍事□州大都督□□□□
□□□□□□□□□□□□□□□□□□□□□□
陽又命公□□州大都督府長史進位左光祿□□□
□帝□居□□陽爲□□□□華錫趙□憲總其藩條
□之□寄允□□舉旣而□□□□公□□□□□□
□□□馳於劔棧開警設□□化□於□誦□□□國
鳴絃□絕□心之□□□險□□復發□之□尋進封
許國□□□尚書激濁揚清別□流之涇渭昇真黜偽
區三端□□□□朝□□服野□□□□□□□□由

茲盡□多士□□□□□詠又以□□之道義在澄源
收實□宜□□□□□請□□□□
詔從焉於是

□□□□發明優劣□量世系孝正高卑不失錙銖等
□衡於□□□□□□□□□□□定嘉□稱爲

大唐□□□□□□卷

詔頒四海

帝疇

乃庸加□特進上柱國□改封申國公□□州刺史
□□□如故□□□□□繼世□□□□□體國□義□
□遵□□師□之□□□□□□□□□□□□□
□□之□□□□□□□□□□□帝高其志竟
不違之俄昇爲尚書右僕射□□□□□□□□□□

權□流空□□□□□□□□□□之□極宸□於是曾
□進□開府儀□□□□□□□□□□□□綠□□□論
□甲第黃□□□□□□□□□□□□賜机禮及□車□止
之□撫落□□□□感□□□□□□□□□□□□□□□
□□□□□□□□□□□□□□□□□□□□情頻抗廣德
之□□□□□□□□□□□□□□□□□□□□停□務依舊猶總
□□□□□□□□□□□□□□□□□□□□著文思博要於是包含□略□
□□□□□□□□□□□□□□□□□□□□懷□□就望海
□測其□□□□□□□□□□□□□□□□詳其際合□二百卷上□
延□□□□幸□陽□□□□太傅公□□□□□□□□
今上□□□

□□□□□□之□內盡家人之□每□□□□□優
禮□□斷□咸事□□□□案□□□机及□

□□□ 儲□□□公□□并州□□勞發□□降

□□□疾私庭□□京師□□雷□□中使絡驛

相望道路手詔紛綸慤慤旦夕從幸靈武益增□□

□□□□□□□ 帝□□□□□□□□□□

□□□□ 天慈臨訣□死對□□□□

懷□□□欬還宮輟膳悲不自勝□以貞觀廿一年正

□五日薨于正寢中使還□清□出宮□□□□□□

□□□□□□□ □□不念□□□□司徒□□□□

聖體馳謁道次□□□事

□□□之方□

□□望廬□□□□□□乃命□進太子詹事英國公

勣□□□贈司徒□□□□□□□□□□□□□□

□□□□□□獻公□□□□有□□及夫人鮮于

□□陪葬於□□□班劍□□□鼓吹凶事所

須□令官給卽以其年二月廿□□□□于九峻山之

南趾墓而不墳□□□□□□□□□□□□□□

□□□□□之路□□□□□太宗親御城樓

俯臨□□靈□滅□□□□□□□□□□□□□□

□□□勝□□勅□□□□許敬宗□□□

慰問諭節□□□□ □□□□ 手勅公□司徒□□

□卿□風□□□□□□□□□情□觀□□何可堪處恩深□□

潤□□□□□緒□□□□□□□□□□□□□□□□□□

□命□□□配享 太宗廟庭泊于□□□□□封□□□

□□□□□□□□□□□□□□□□□□□□□□□□□□□□

容可法貞□若神下筆敷□皆為警采興□□論盡□

精微□以□□□□理□□□蘭薰玉潤天義□於□

賢推信敷仁□道□於□子知□之□□靈□□□□

□□□□□□□□□□□□□□□□□□□□□□□□□□□□

□□□□□第如芝室望仙舟而不□□彼□霄□□

□□□□其朱紫泊□ □□在運物□相求□

□□□鬱□□棟□鈞始□□爲□□□□□□□□

□□□□□□□□□□□□於□□檢身能□利

物斯□在□□□推恩乃□□□□之化□□露之□

沾通夷夏之情若條風□必□加以義方□□□□

之觀高宅相外融追何□之□似於是□□□□□□

□□□□□公□私□□酌□模楷可謂□□□德國

□人□者焉及稅駕東川撒懸西□ 太宗願瞻

台耀想託□而□□□□雲臺□□□□□□□□

□□□□□豐碑□□之□將□□□□密之痛父象

之□□煥遽迫晏駕之□小□履□面承 恩旨刻
肌刻骨悲□□之□□□□□□心□家聲之莫紀竊惟
□陽□彩□□□□□繼□□□□□□□□□□□□□□□□
□斯義弗□□碑是用□琬□□□□□瑩兆而已

碑側題記

記兩列一五行
一七行正書

大唐會昌四年五月四日六代孫尚書右丞元裕□

□□□□□

昭陵□□□□□□瑩所

六代孫正議大夫行給事中上柱國渤海縣開國男

食邑三百戶賜紫金魚袋少逸口 口不獲口口

口口口口附名題于碑側大唐會昌四年五月十五

日書

右唐高士廉塋兆碑記唐史及元和姓纂皆云士廉
父名勵而北史作勳今此碑與北史合蓋唐史及姓
纂轉寫誤爾碑許敬宗撰趙模書模字畫甚工蓋貞

觀中太宗命臨蘭亭序者

金石錄

碑僅存三百餘字稱公諱儉字士廉則公亦以字行
但房公名喬字元齡以字行而碑曰諱元齡字喬歐
陽公嘗以爲疑云新唐書房元齡字喬以高公塋兆

記觀則喬果爲字乎此似未見房公碑者趙模在貞

觀中以書名嘗與諸葛貞臨蘭亭刻石者此書方整

秀逸大類歐虞惜不全見碑側題字數行亦半泐其

一云元裕其一云少逸按唐史稱元裕少逸相代兄

弟迭處禁中又曰會昌中少逸爲給事中然則此正

兄弟相代時也而史不書少逸封爵且又不言二人

爲士廉後唐世重氏族豈其譜逸耶二人立朝亦非

沒沒者非此幾令申公不得有其孫矣

石墨
鑄筆

右高士廉瑩兆記止存上二尺許可拓者額篆書云

尚書右僕射司徒申文獻公瑩兆記蓋陪葬昭陵稱

碑者甚多此獨異也新史封許國公此云申文獻者
加封之國與謚也舊書前云封許國後云太子令日
攝太傅申國公與碑合士廉名儉以字行畫像凌烟
閣撰文思博要一千二百卷上之皆爲新史遺金石
後錄
趙模書世不多見予得此紙碑本不全而又多磨泐
可識者纔七十餘字耳鐵函齋
書跋

此碑殘缺難讀其云大都督太宰假黃鉞清河昭武
王者乃其祖嶽也舊唐書以爲太尉不言其謚又云
父勣襲爵清河王改封樂安舊書勣作勵當以碑爲
正云于九嶼山之南趾墓而不墳今碑在醴泉縣之

劉洞村當卽其地也集古錄以爲貞觀二十一年立許敬宗撰文趙模書丹案碑稱文皇帝又云太宗廟庭考士廉配享在高宗卽位之初然則此碑之立亦在其時不得言貞觀明甚

抱經堂文集

按此碑文凡二千六百餘字石墨鐫華云僅存三百餘字鐵函齋書跋云可識者僅七十餘字雍州金石記云存二百餘字今此文存者得一千二百餘字幾及全碑之半文但有序而無銘詞墓記之體如是然不曰神道碑而曰瑩兆記是又一例也撰文者許敬宗但存其辭曰高陽縣開國公書碑

者趙模但存其官府錄事參軍趙模無傳可攷新
唐書許敬宗傳太宗朝敬宗以修史勞封高陽縣
男高宗卽位將立武昭儀敬宗陰揣帝私妄言於
帝得所欲詔敬宗待詔武德殿西闕頃拜侍中監
修國史爵郡公高宗本紀末徽六年十月己酉廢
皇后爲庶人乙卯立宸妃武氏爲皇后据敬宗以
廢立事得進爵郡公則立碑當在末徽六年矣但
傳稱敬宗爵郡公碑題作縣公爲異耳似係貞觀
廿一年葬而末徽六年立碑也文云高陽洪胄響
振虞庭謂高陽氏才子八人謂之八元舜舉之使

布五教於四方者也然宰相世系表謂高氏出自
姜姓則非系出高陽矣碑又云公諱儉字士廉舊
唐書傳稱高儉字士廉目錄直云高士廉新書傳
云以字顯獨宰相世系表則云宗儉字士廉相太
宗爲異碑又云曾祖翻清河口祖口清河口武王
父勣襲爵清河王改封樂口口北齊書清河王岳
傳岳字洪略高祖從父弟也父翻字飛雀魏朝贈
太尉諡孝宣公岳仕顯祖朝進封清河郡王薨贈
使持節都督冀定滄瀛趙幽濟七州諸軍太宰太
傅定州刺史假黃鉞諡曰昭武子勣字敬德以清

河地在畿內改封樂安王轉侍中尙書右僕射齊
亡入周授開府隋朝歷揚楚光洮四州刺史舊唐
書高儉傳儉曾祖飛雀後魏贈太尉祖嶽北齊侍
中左僕射太尉清河王父勵北齊樂安王尙書左
僕射隋洮州刺史新書傳儉齊清河王岳之孫父
勵樂安王入隋官洮州刺史唐書宰相世系表則
云翻字飛雀後魏侍御中散孝宣公子岳字洪略
北齊太保清河昭武王子勣字敬德隋洮州刺史
樂安侯諸書詳略互異又如此士廉之父諱兩唐
書皆作勵惟北齊書作勣與碑同說文勣勉力也

莫話切勵勉力也力制切是二字音異而義則同
唐時或通用否則轉寫誤也碑載士廉歷官多缺
略當取新舊唐書本傳參校可補碑之缺碑缺士
廉春秋若干舊書傳云年七十二新書作七十一
爲不同則未知孰是也碑云九峻山南趾墓而不
墳九峻山在馮翊谷口前漢地理志注在醴泉界
禮檀弓古者墓而不墳注土之高者曰墳揚子方
言凡葬無墳謂之墓有墳謂之塋故檀弓云墓而
不墳蓋平日墓封曰冢高曰墳碑云墓而不墳者
謂其不高也然額仍題塋兆記想墳與塋可通稱

矣碑書錙銖作錙銖別體字碑刻題記者六代孫
尚書右丞元祐又六代孫正議大夫行給事中上
柱國渤海縣開國男食邑三百戶賜紫金魚袋少
逸擢宰相世系表則少逸是兄官工部尚書其封
渤海縣男者乃少逸之弟元裕字景圭初名允中
官吏部尚書與碑不同其題記在僧昌四年距葬
後一百九十八年矣

褚亮碑

碑連額高一丈六寸廣四尺八分二十人行行六十
五字篆青頰題大唐褚亮之碑六字篆書在灑泉縣

西峪
都

府君諱亮字□□南陽翟人也魯烏□□白狼表變

□□□□□□□□_下□□□□□□之功□臣佐非常

之德卽府君十壹代祖安東將軍揚州都督關內侯□

□□□□_下□□□□□□道可師□用仁盡教文武不

墜英風自遠屬胡兵入洛晉馬浮江爰及宋齊□□□

□□□□_下□□□□□□中齊東陽太守復爲侍

中遷吏部尙書贈太常卿諡貞子門庭清簡少懷猶□

□□□□_下□□□□□□清譽□□蒙梁儀同廬陵石

東閣祭酒太子□舍人東朝沃誥上邱披襟韜□□□

□□□_下□□□□□政霞綺敷□動名教於搢紳朕徽

猷於僚采府君辰緯凝曜川岳降靈黃口帝師之口

口口口下口口口口口口口口焉浩浩焉神情共雲嶽爭高

令問與風松俱遠汰鈇芳於筆海架口匠於天材口口

口之口口下口口口口口口口口丁秘監府君憂哀號致毀

幾將滅性陳後主栖神雅什纂書鴻圖景暖春坊雲口

口口口口子口下口口口口口口口口命口口屬允膺

嘉選隨開皇九載平陳府君南朝冠冕口京謁見家國

口口不求聞達口下口口口口口口口口庭大業七年授

太常博士彝倫爲施政之本忠信乃達禮之源凡厥口

益多口修口下口口口口口口以爲黃門侍郎雖霜威見

屈而風槩弥竦

□□自天縱聖神武遐□□□□

□□之□

下

□□之□□□入幕之賓武德元年延爲

文學太公之逢西伯高步天師鄧禹之赴蕭王□□□

□□□□

下

□□□□□□□□輸山川形勝乃託賞

風雲

恩眇賜詩有同枚叔上書諫獵尤□馬卿□□

□□□□

下

太宗監國光啓震維必□正人務從國本改

授中允貞觀元年封陽翟縣男□□□□□□□□下

□食邑七百戶及年登月制休老于家精葢成陰桓春

卿之寵錫芳珍狎至石大夫之□□□□□□□□下

□□寢疾而薨

太宗爲之廢朝悼深流涕

中使相望存問不絕□□□魏□□

下

□□□園

祕器葬事所須並宜官給儀仗鼓吹送至墓所夫人柳

氏亦同安厝□慕無□□□□

下

□□□老莊之

齊致同李郭之清塵言行無爽於庭蘭忠慎有踰於溫

樹洞握河之□簡□□□之□□

下

□□□策名侍

近時逢靜亂早擅文房預衆帷幄恭承嘉眄乃畱情於

啓沃咨□□□□□□□□

下

□□秋□□□□

之際遠諸清放之前所製文集撰成廿卷咸爲□□詔

侍奉述作陳□流詠□□□□

下

□子□□□普州長

史襲封陽翟侯遂賢撫瞻霜露永懷凶極歲月緜遠淒

涼荒堊□□□□□□□□□□_下□□□□□□□□□□式刊貞石取

爲銘曰

鬱煥遙源曾華胄緒慕禛承業昭鉤析字粵自恭公祚
流子緒德□□□□□□□□□□_下□□□□□□□□聲珪璋

遂襲變佐光才家崇晉去國喪陳來語默雖切榮名詎
摧一□□□□□□□□□□_下□□□□□□名揚青蓋象屯金

陵氣竭利在攸往誕生聰括二陸道存三張譽折□□

□□□□□□□□_下□□□□□□府門庭雅素意緒薰華賦

樓光□文閣生霞琴延夕月酒汎晨花□□□壽□□

□家□□□□□□_下□□□□□□喜無虧綜冠蓬□義□□□

神理疑絢清文挺秀蔚郁才林超揚詞圃□□□□

□下

右唐褚亮碑唐書云亮杭州錢塘人而碑云晉南遷
家於丹陽按元和姓纂自有錢塘褚氏與亮族不同
系唐史蓋失之

金石錄

亮遂良父也由陳人隋由隋入唐八十八卒碑已殘
闕不可詳攷分隸與馬周碑如出一手疑亦殷仲容
書遂良能書非仲容輩恐不得汗其父碑也

石墨
鐫華

碑已殘剝分隸精工之甚唐石之最佳者字與馬周
碑相類馬碑金石錄謂爲殷仲容書則此碑知爲仲

容無疑也仲容盛負書名河南公官舍之他求平

庚子

銷夏記

金石文字記云高宗時立林吉人蘭話堂碑目註貞觀年殷仲容書按亮雖卒於太宗時而碑云撫瞻霜露未懷岡極歲日緜遠則建碑刻銘必非彼時之事林云貞觀但據所終之時而言蓋未詳攷也顧云高宗時必別有所據 崇禎十一年苟好善修醴泉縣志載昭陵諸碑謂其字尚有存者僅二十一片而褚亮碑不在其內今視拓本尚存五百餘字較高士廉豆盧竟諸碑不啻過之不知前人何以獨遺不錄也

金石
存

按額云大唐褚卿之碑褚字从衣从者而此篆从禾
从𠂔从甘考者上从艸旣與考老不同下从白音又
與甘不同唐人六書之疏如此

醴泉縣志

碑已磨泐多不能讀僅存四百餘字

雍州金石記

碑無年號因其卒于貞觀時故附置於此

關中金石記

右贈太常卿褚亮碑凡廿八行下截已失每行僅存
廿一字其篆額云大唐褚卿之碑與他碑式異褚字
左从禾右从老省蓋不通六書者所作也亮卒於貞
觀廿一年十月碑之立在高宗朝其時遂良已得罪

貶死故祇述龔封陽翟侯遂賢一人

潛研堂金石文跋尾集

按此碑雖殘闕存者尚幾八百字諸家所見或云五百餘字或云四百餘字或云二百四五十字似皆非全揭卽潛研堂跋云碑廿八行每行僅存廿一字今揭凡廿六行行存廿七八字彼此亦不同也碑云府君諱亮字□□南陽翟人也唐書褚亮傳亮字希明杭州錢塘人金石錄謂亮杭州錢塘人而碑云晉南遷家于丹陽元和姓纂自有錢塘褚氏與亮族不同系唐史蓋失之今碑已泐去晉南遷家于丹陽一語唐書宰相世系表元成間

有褚先生少孫裔孫重始居河南陽翟裔孫碧字
武良晉安東將軍始徙丹楊舊唐書亮傳則云杭
州錢塘人其先自陽翟徙居焉不云徙自丹楊亦
不詳徙自何人然亮之先世自高祖以下歷仕齊
梁陳隋諸朝碑略可見則自丹陽徙錢塘必在高
曾之世矣而碑仍稱陽翟者存其舊貫也錢塘褚
氏之見于史傳者在晉則有褚陶在齊則有褚伯
玉在梁則有褚修皆不與亮同系然亮與遂良舊
宅實在錢塘咸淳臨安志皇城圖城東有褚氏舊
宅卽亮居也今名其地曰褚家塘其居今爲昭忠

祠里曰忠清屬仁和萬歷杭州府志稱其祠爲遂良故居實卽亮居也別有在臨平山下者乃褚无量故宅太平寰宇記无量家近臨平湖者是也此亦與亮不同系餘如褚陶諸公則故蹟無攷矣碑云府君十一代祖安東將軍揚州都督關內侯而闕其名宰相世系表乃始居陽翟之裔孫招也碑云齊東陽太守復爲侍中遷吏部尙書贈太常卿謚貞子而闕其名宰相世系表炫字彥緒齊安成王師謚曰貞乃亮之高祖也南齊書炫傳歷官與碑同其守東陽在建元初其遷吏部尙書在永明

元年由吏部改授散騎常侍領安成王師世系表
從略但載其所終之官而碑舉其大故亦不書安
成王師也碑云蒙梁儀同盧陵口東閣祭酒太子
口舍人此上闕泐三十餘字當是叙亮之曾祖也
舊唐書稱曾祖湏梁御史中丞新唐書稱曾祖湏
父玠有名梁陳閒宰相世系表則炫子漢梁御史
中丞中書侍郎南史褚裕之傳則云炫子湏字士
洋仕梁爲曲阿令歷晉安王中錄事正員郎烏程
令還爲太尉屬延陵令中書侍郎太子率更令徐
史中丞湘東王府諮議參軍三書所載其名不同

如此惜碑文不存無從定其孰是矣蒙爲亮之祖
南史云位太子舍人舊唐書云太子中舍人碑於
舍人上闕一字當卽中字隋書百官志太子有中
舍人四人舍人十六人隋制大率兼采梁陳之舊
則有中字者爲確宰相世系表亦但作太子舍人
且以其名爲象則更誤矣碑文此下又泐三十餘
字當是叙亮之父玠舊唐書亮傳父玠陳秘書監
新書傳不著其官宰相世系表則云玠字溫理陳
御史中丞掌東宮管記南史玠傳陳天嘉中兼通
直散騎常侍遷中書侍郎除山陰令異遷御史中

丞卒于官至德二載贈秘書監碑所存動名教於
摛神暎徽猷於條采二語殆謂玠也而下有云丁
秘書監府君憂蓋御史中丞是生前歷官秘書監
是卒後贈官惟掌東宮管記則傳未及也碑載亮
歷官可見者陳後主時官春坊隋開皇九載平陳
大業七年授太常博士下黃門侍郎武德元年延
爲文學太宗監國改授中允貞觀元年封陽翟縣
男老子家今以堯年八十八在貞觀二十一年推
之其生爲陳文帝天嘉元年則其筮仕後主年甫
弱冠也新書傳仕陳累遷尙書殿中侍郎入隋爲

東宮學士遷太常博士貶西海司戶後爲薛舉黃
門侍郎秦王授王府文學貞觀中累遷散騎常侍
封陽翟侯舊書傳前段同惟貞觀元年爲宏文館
學士九年進授員外散騎常侍封陽翟縣男拜通
直散騎常侍學士如故十六年進爵爲侯食邑七
百戶較新書爲詳而尤足補碑之闕也碑闕堯逝
年月傳亦不詳太宗本紀貞觀二十一年十月癸
丑褚遂良罷二十二年二月起復新書遂良傳進
黃門侍郎參錄朝政會父喪免起復爲中書令舊
書傳二十一年以本官檢校大理卿尋丁父憂解

明年起復舊職俄拜中書令据此則亮之薨在貞
觀二十一年十月癸丑也而其陪葬昭陵當卽在
二十二年二月以前碑云所製文集撰成廿卷與
唐書藝文志合又云普州長史襲封陽翟侯遂賢
宰相世系表長子遂賢都王友襲侯考高祖太宗
諸王未有所謂都王者碑又云撫瞻霜露永懷凶
極歲月緜遠淒涼荒壘玩其語氣自在遂良卒後
二歲追削官爵子孫配流愛州及宏道元年二月
高宗遺詔放還本郡之時距亮薨已三十七年也
碑文前云元鳥口口白狼表慶銘詞又云纂謀承

業昭鉤析字粵自恭公祚流子褚抱經堂集謂纂
祿二語不得其解按宰相世系表褚氏出自子姓
宋共公子段字子石食采于褚其德可師號曰褚
師生公孫肥子爲褚氏則褚乃子姓商之後也史
記宋世家其公乃文公之子瑕其公子食采事無
攷史世家作共公五行志作恭公與碑同詩天命
元鳥降而生商禮月令鄭注高辛氏之世元鳥遺
卵娥簡吞之而生契宋書符瑞志湯在亳能修其
德有人牽白狼銜鉤而入商朝碑蓋皆爲褚姓推
原其出于宋而肇祥於商也額題大唐褚鄉之碑

却與他類異例推搗其故亦因去世荒遠恩澤久
替追立墓碑不欲繁稱但以一卿字該其官位而
以稽字表其姓而已蓋私卿猶言稽公也

金石萃編卷四十八終

金石萃編卷四十九

賜進士出身 誥授光祿大夫刑部右侍郎加七級王昶謨

唐九

慈恩寺聖教序

碑高六尺三寸廣二尺五分共二十一行
行四十二字正書篆額在西安府慈恩寺

大唐三藏聖教序

太宗文皇帝製

中書令臣褚遂良書

蓋聞二儀有象顯覆載以含生四時無形潛寒暑以化
物是以窺天鑒地庸愚皆識其端明陰洞陽賢括罕窮

其數然而天地苞乎陰陽而易識者以其有象也陰陽處乎天地而難窮者以其無形也故知象顯可徵雖愚不惑形潛莫覩在智猶迷况乎佛道崇虛乘幽控寂靈濟萬品典御十方舉威靈而無上抑神力而無下大之則弥於宇宙細之則攝於豪釐無滅無生歷千劫而不古若隱若顯運百福而長今妙道凝靈遵之莫知其際法流湛寂挹之莫測其源故知蠢蠢凡愚區區庸鄙投其旨趣能無疑惑者哉然則大教之興基乎西土騰漢庭而皎夢照東域而流總昔者分形分蹟之時言未馳而成化當常現常之世民仰德而知遵及乎晦影歸真

遷儀越世金容掩色不鏡三千之光麗象開圖空端四
八之相於是微言廣被拯含類於三途遺訓遐宣導羣
生於十地然而真教難仰莫能一其指歸曲學易遵邪
正於焉紛紜所以空有之論或習俗而是非大小之乘
乍泐時而隆替有聲裝法師者法門之領袖也幼懷貞
敏早悟三空之心長契神情先苞四忍之行松風水月
未足比其清華仙露明珠詎能方其朗潤故以智通無
累神測未形超六塵而迥出隻千古而無對凝心內境
悲正法之陵遲栖慮靈門慨深文之訛謬思欲分條析
理廣彼前聞截偽續真開茲後學是以翹心淨土往遊

西域乘危遠邁杖策孤征積雪晨飛塗開失地驚砂夕
起空外迷天萬里山川撥煙霞而進影百重寒暑躡霜
雨而前蹤誠重勞輕求深願達周遊西宇十有七年窮
歷道邦詢求正教雙林八水味道冷風鹿苑鷲峯瞻竒
仰異承至言於先聖受真教於上賢探蹟妙門精窮奧
業一乘五律之道馳驟於心田八藏三篋之文波濤於
口海爰自所歷之國摠將三藏要文凡六百五十七部
譯布中夏宣揚勝業引慈雲於西極注法雨於東垂聖
教致而復全蒼生罪而還福濕火宅之乾燄共拔迷途
朗愛水之昏波同臻彼岸是知惡曰業墜善以緣昇昇

墜之端惟人所託辭夫桂生高嶺雲露方得滋其花蓮
出涿波飛塵不能汗其葉非蓮性自潔而桂質本貞良
由所附者高則微物不能累所憑者淨則濁類不能沾
夫以卉木無知猶資善而成善況乎人倫有識不緣慶
而求慶方冀茲經流施將日月而無窮斯福遐敷與乾
坤而永大

永徽四年歲次癸丑十月己卯朔十五日癸巳建

大唐皇帝述三藏聖教序記

碑高廣與序同共二十行行四十字

正書左行篆額與序同在慈恩寺

皇帝在春宮日製此文

尚書右僕射上柱國河南郡開國公臣褚遂良書

夫顯揚正教非智無以廣其文崇闡微言非賢莫能定
其旨蓋真如聖教者諸法之靈宗衆經之軌躅也綜括
宏遠奧旨遐深極空有之精微體生滅之機要詞茂道
曠尋之者不究其原文顯義幽理之者莫測其際故知
聖慈所被業無善而不臻妙化所敷緣無惡而不翦開
法網之綱紀靈六度之正教拯羣有之塗炭啓三藏之
祕局是以名無翼而長飛道無根而永固道名流慶歷
遂古而鎮常赴感應身經塵劫而不朽長鍾夕梵交二
音於鷲峯禁日法流轉雙輪於鹿苑排空寶蓋接翔雲

而其飛莊野春林與天花而合彩伏惟

皇帝陛下

上靈資福垂拱而治八荒德被黔黎歛衽而朝萬國恩加朽骨石室歸貝葉之文澤及昆蟲金匱流梵說之偈遂使阿耨達水通神甸之八川耆閻岫山接嵩華之翠嶺竊以法性凝寂靡歸心而不通智地靈與感懇誠而遂顯豈謂重昏之夜燭慧炬之光火宅之朝降法雨之津於是百川異流同會於海萬區分義均成乎實豈與湯武按其優劣堯舜比其聖德者哉靈裝法師者夙懷聰令立志夷蘭神清韶胤之年體拔浮華之世凝情定室匿跡幽巖栖息三禪巡遊十地超六塵之境獨

步伽維會一乘之旨隨機化物以中華之無質尋印度之眞文遠涉恒河終期滿字頻登雪嶺更獲半珠問道往還十有七載備通釋典利物爲心以貞觀十九年二月六日奉勅於靈福寺翻譯聖教要文凡六百五十七部引大海之法流洗塵勞而不竭傳智燈之長燄收幽暗而恒明自非久植勝緣何以顯揚斯旨所謂法相常住齊三光之明我皇福臻同二儀之固伏見

御製狀經論序照古騰今理合金石之聲文抱風雲之潤治輒以輕塵足嶽跡露添流略舉大綱以爲斯

記

建中書令臣褚遂良書記云永徽四年癸丑十二月十日建尚書右僕射上柱國河南郡開國公臣褚遂良書此自同州召還後筆稱臣者以御製文非奉敕書也

庚子銷夏記

聖教序今在西安府南六里慈恩寺塔下序記分兩石東西兩龕覆之序右行記左行序字差小記字差大蓋序書于永徽四年十月記書于十二月非一時故也按舊唐書公以永徽元年進封河南郡公尋坐事出爲同州刺史三年徵拜吏部尚書則此記序乃是同州召還後所作其稱臣者郭引伯言以御製文

非奉敕書是也序以十月書銜稱中書令記以十二月書銜改稱尚書右僕射意其代張行成爲尚書右僕射在十月後而史不及詳也

竹雲題跋

右三藏聖教序并記兩碑皆建于永徽四年一在十月一在十二月而遂良題銜一稱中書令一稱尚書右僕射上柱國河南郡開國公殊不相合考唐書宰相表遂良以永徽元年罷中書令三年拜吏部尚書同中書門下三品四年進尚書左僕射舊史遂良傳亦同惟以左僕射爲右僕射此碑正作右僕射可證表左字之誤其稱中書令者王元美以爲出于後人

附益理當然也

清研堂金石文跋尾

劉軻撰三藏大通覺塔銘曰貞觀廿年秋七月法師
進新譯經論請制經序序成神筆自寫太宗居慶福
殿百寮陪位坐法師命上官儀讀之卽此序 大遍
覺塔銘又云貞觀廿二年夏天皇大帝居春宮又制
述聖記及菩薩藏經後序據此則高宗所作又有藏
經序也手荅稱所作論序鄙拙尤繁以此今序不傳

關中金

石記

按三藏法師元奘舊唐書列入方技傳稱元奘洛
州偃師人載元奘事旣簡略語復小譌大藏孰字

號一函載全傳十卷于西域求經事最詳傳是沙
門慧立撰本五卷釋彥棕箋而廣之凡太宗御製
聖教序元奘謝表太宗荅敕高宗爲太子時作三
藏聖記元奘謝啓太子賤荅竝在傳中惟別刻石
本所有元奘又表謝文皇再荅敕則慧立所不載
而慧立又有元奘求序表諸石刻本無傳今錄附
于後慧立撰傳稱三藏聖教序七百八十一字神
筆自寫敕買款經之首神筆者御筆也貞觀二十
二年六月皇太子作三藏聖記于是宏福寺主圓
定請鐫一序于石藏之寺中寺僧懷仁乃集右軍

書勒于碑是歲建大慈恩寺別造翻經院元奘請
建慈恩塔塔南面有兩碑刻二聖三藏聖教序記
乃河南公褚遂良所書蓋當時石刻止有二本也
懷仁本於序記表箋之後有二行云敕賜雲衲一
領妙絕古今又敕天下寺度五人維持聖教皆其
力也事見慧立撰傳貞觀二十二年七月景申施
衲袈裟一領剃刀一口其袈裟宮中所製價值百
金帝又問曰欲樹功德何最饒益對曰宏法由人
度僧爲最是年九月己卯詔京城天下諸州寺宜
各度五人宏福寺度五十人卽其事也惟八月三

日內出心經刻入碑中者傳無所考按各梵經皆有緣起今此心經出自大內不知屬於何部既無阿難如是我聞之語又無菩薩啓請之文據題云金剛般若波羅蜜多心經似從大般若經中摘出如法苑之普門品首楞嚴之從闍思修摘出單行者開元釋教錄載大般若波羅蜜多經六百卷注云見翻經圖佛於西處十六會說邇慶五年正月一日於玉華宮寺玉華殿譯至龍朔二年十月二十畢沙門大乘光大乘欽嘉尚等筆受當貞觀二十二年大般若經尚未翻譯太宗或先譯就出以

行世故從內出也又考金剛般若波羅蜜經見開
元釋教錄中云金剛般若波羅蜜經一卷亦云金
剛般若經佛在舍衛國者初出與元魏隋支等出
者同本又金剛般若波羅蜜經一卷永平二年於
胡相國第譯是第二出僧朗筆受與秦鳩摩羅什
及大般若第九會能斷金剛分等同本此金剛般
若波羅蜜之緣起也又心經末有咒及是大神咒
之語則有觀自在菩薩隨心咒經一卷亦云多
心經唐總持沙門釋智通譯十一面觀世音神咒
經一卷於四天王寺譯上儀同城陽公蕭吉筆受

初出與唐譯十一面神咒心經等同本竝見開元
釋教錄中并附記于此以備考云心經後列于志
寧來濟許敬宗薛元超李義府五人銜名并奉敕
潤色字此是顯慶元年正月事傳載是月景寅冊
代王治爲皇太子就大慈恩寺設齋遣朝臣行香
尉黃門侍郎薛元超中書侍郎李義府因參法師
問曰翻經之外更有何事可以光揚法師報以符
姚已來翻宣經論除僧之外君臣皆可贊助壬辰
乃宣敕曰大慈恩寺僧元奘所翻經論旣新翻譯
文義須精宜令太子太傅尚書左僕射燕國公于

志寧中書令兼檢校吏部尚書南陽縣開國男來
濟禮部尚書高陽縣開國男許敬宗守黃門侍郎
兼檢校太子左庶子汾陰縣開國男薛元超守中
書侍郎兼檢校右庶子廣平縣開國男李義府中
書侍郎杜正倫等時爲看閱有不穩便處卽隨事
潤色是當時同奉敕潤色者尚有杜正倫一人碑
未列也殆是遺漏碑中結銜來濟不書兼檢校吏
部尚書薛元超不書汾陰縣開國男李義府不書
廣平縣開國男皆碑之略也此下云咸亨三年十
二月八日京城法侶建立及諸葛神力朱靜藏二

人銜名此又一時事咸亨三年上距顯慶元年于
志寧等奉敕潤色且十七年而距貞觀二十二年
懷仁刻石又二十五年矣此蓋別建一碑所謂京
城法侶者不知何寺之法侶傳無所考矣元奘傳
慧立撰之外別有唐西崇福寺沙門智昇所撰傳
見開元釋教錄稱元奘本名禪爲慧立所無餘俱
大同舊唐書較慧立撰祇百之一所記亦大同惟
載諸臣潤色之後又有國子博士范義頽太子洗
馬郭瑜宏文館學士高若思等助加翻譯此三人
爲慧立所不載又元奘八西域自玉門關至高昌

從此孑然孤遊遍歷五印度境抵南印度渡硤伽
河參鳩摩羅王得經六百五十七部及舍利金銀
佛像等凡歷一百二十八國閱十七年歸朝撰大
唐西域記國名詳見慧立撰傳中舊唐書祇云經
百餘國者約略之詞也論此碑者多未詳考原委
故疊註之其懷仁本及王行滿書二碑論辨別見
于後

附求序表

藏經三藏法師傳錄出

沙門元奘言竊聞八正之旨實出苦海之津梁一
乘之宗誠涅槃之梯磴但以物機未熟致蘊蔥山

之西經胥庭而莫聞歷周秦而靡至暨乎摩騰八
洛方被三川僧會遊吳始霑荆楚從是已來遂得
人修解脫之內家樹菩提之業因知傳法之益其
利博哉次復嚴顯求經澄什繼譯雖則元風日扇
而竝處偽朝唯元英輕生獨逢明聖所將經論咸
得奏聞蒙陛下崇重聖言賜使翻譯比與義學諸
僧等專精夙夜無墮寸陰雖握管淹時未遂終訖
已絕筆者見得五部五十八卷名曰大菩薩藏經
二十卷佛地經一卷六門陀羅尼經一卷顯揚聖
教論二十卷大乘阿毗達磨雜集論一十六卷勅

成八表繕寫如別謹詣闕奉進元奘又竊見宏福
寺尊像初成陛下親降鑿與開青蓮之目今經論
初譯爲聖代新文敢緣前義亦望曲垂神翰題製
一序讚揚宗極冀冲言與旨與日月齊明玉字銀
鉤將乾坤等固使百代之下誦詠不窮千載之外
瞻仰無絕

集右軍書聖教序

碑高九尺四寸六分廣四尺二寸四分三十分行字數
八十三至八十八不等行書碑首橫列七佛像黑文
徑五寸今在
西安府學

大唐三藏聖教序

太宗文皇帝製

龔福寺沙門懷仁集晉右將軍王羲之書

序文同前

附謝序表

沙門元奘言竊聞六爻探蹟局於生滅之場百物正
名未涉真如之境猶且遠徵犧冊觀奧不測其神遐
想軒圖歷選竝歸其美伏惟皇帝陛下玉毫降質金
輪御天廓先王之九州掩百千之日月廣列代之區
域納恒沙之法界遂使給園精舍竝入提封貝葉靈
文咸歸冊府元奘往因振錫聊謁崛山經途萬里恃

天威如咫尺匪乘千葉詣雙林如食頃搜揚三藏盡
龍宮之所儲研究一乘窮鷲嶺之遺旨竝已載於白
馬還獻紫宸尋蒙下詔賜使翻譯元奘識乖龍樹謬
忝傳燈之榮才異馬鳴深愧瀉瓶之敏所譯經論純
外尤多遂荷天恩畱神構序文超象繫之表理括嶽
妙之開忽以微生親承梵響踊躍歡喜如聞授記無
任欣荷之極謹奉表詣闕陳謝以聞

文皇答勅

朕才謝珪璋言慚博達至於內典尤所未聞昨製序文
深爲鄙拙唯恐穢翰墨於金簡標瓦礫於珠林忽得來

書謬承褒讚脩躬省慮彌益厚顏善不足稱空勞致謝
元奘又表謝

文皇再答勅

朕往不讀經兼無才智忽製論序翻汗經文具攬來
言枉見褒飾愧逢虛美惟益真慙自尔朝宰英達咸
申擊讚釋宗宏盛氣接成陰

皇帝在春宮述三藏

聖記

記文同前

元奘等詣謝

皇太子拔答

治素無才學性不聰敏內典諸文殊未觀覽所作論序
鄙拙尤繁忽見來書褒揚讚述無躬自省慙悚交并勞
師等遠臻深以爲愧

貞觀廿二年八月三日內出

般若波羅蜜多心經

沙門元奘奉詔譯

經文不錄

太子太傅尚書左僕射燕國公于志寧 中書令南陽

縣開國男來濟 禮部尚書高陽縣開國男許敬宗

守黃門侍郎兼左庶子薛元超 守中書侍郎兼右庶

子李義府等奉 勅潤色

咸亨三年十二月八日京城法侶建立

文林郎諸葛神力勒石

武騎尉朱靜藏鑄

書苑云唐文皇製聖教序時都城諸釋談宏福寺懷
仁集右軍行書勒石累年方就逸少真跡咸萃其中
今觀碑中字與右軍遺帖所有者祇微克肖書苑之
說信然近世翰林侍書輩多學此碑學弗能至了無
高韻因自目其書爲院體由唐吳通微昆弟已有斯
目故今士大夫玩此者絕少然學弗至者自俗耳碑

中字未嘗俗也非深於書者不足以語此

東觀
餘論

集右軍書聖教序心經右軍真跡固多第自稜帖外不應行法大小勻整乃爾且梵字多所不備其小小展縮偏傍轉合所不免也 聖教序書法爲百代模楷病之者第謂其結體無別構偏傍多假借蓋集書不得不爾仲蔚謂出文皇手又經于志寧等潤色不無失真是不知咸亨中沙門懷仁摸集勒石而心經未有志寧等潤色題字蓋元奘方於洛中總譯西域所齋經藏以志寧等領其事故云爾唐世宰相有兼譯經潤文使者卽其職也凡唐藏經卷尾皆有諸公

名姓此何與於書而仲蔚乃以是病之陋一至此乎

展冊爲之失笑

弁州山人葉

王宏撰曰序中如金容掩色心經中色不異空空
無色諸色字於草法合至空不異色色卽是空空卽
是色無色聲香味觸法諸色字乃包字集書者誤以

此作色字耳觀天地苞乎陰陽苞字下體文抱風雲
之潤抱字右邊自見而昔人無言及之者

金石文字記

此未斷舊本也是武關構皮紙堅柔相得虛和受墨
秦產也簾紋如織隄廉如漆歲久入理第多補字爲
拈出無致蘭亭訟端其宏福寺福字闕以蒼生罪而

還福福字補晉右將軍將字以將日月而無窮將字
補然則大教然字以然而天地然字補晦影歸真真
字以受真教于上賢真字補智通無累通字以通神
甸通字補非蓮性自潔非字以習俗而是非非字補
桂質本貞貞字以幼懷貞敏貞字補將日月而無窮
日字誤以卽說咒曰日字補斯福遐敷斯字以以爲
斯記斯字補皇帝在春宮皇字以我皇福臻皇字補
赴感應身感字以感懇誠感字補重昏之夜重字以
誠重勞輕重字補火宅之朝火字以火宅之乾燄火
字補幽闇而恒明而字以日月而恒明而字補忽見

來書忽字以忽得來書忽字補度一切苦苦字以除
一切苦苦字補無意識界無無名第二無字以亦無
無明下無字補苦集滅道滅字誤以不增不減滅字
補共割補十八字一一指次頗極然犀至于斷文三
十三反無一闕者亦奇矣余生平所見舊榻數十本
惟仲宗王孫先世所藏爲第一余曾爲一跋已二十
餘年矣猶憶其鋒鍛此本髮髯勝之仲宗伯仲子斗
皆精研博古千秋自命結社青門分余半席苟非斯
道冠蓋不入故鑒賞斯精

金石史

自唐以來士林甚重此碑匪直興福寺隆闢法師等

碑爲顯效其體卽李北海張同直蘇武功亦皆從此
奪胎自有院體之目於是光祿遂殺以故宋元以來
黃米諸巨手皆弗道及獨宣和書譜黃長睿始爲吐
氣耳至有明宏正間士大夫始復重此碑購求一本
往往傾囊例篋以爲難得雖已斷者購之猶數十金
蓋至於今二百餘年而聖教石刻遂至斷闕剝蝕幾
於無字可尋矣 舊史元奘傳元奘年五十六以顯
慶六年卒顯慶六年卽龍朔元年也由龍朔元年上
推五十六當生于隋煬帝大業二年劉軻三藏法師
塔銘則云元奘十三出家顯慶五年二月五日卒年

六十九由顯慶五年上推六十九當生於隋文帝開皇十二年以仁壽四年出家唐高祖武德元年乃從高祖於晉陽太宗貞觀三年自請於帝往遊西域於時年三十八歷十七年以貞觀十九年還京師年五十四又十五年當高宗顯慶五年年六十九卒於故玉華宮肅成院其徒令檢以三藏傳記請爲塔銘比於史書故當無誤可據若據史書五十六年之語則十三出家當在高祖武德元年與其所稱大業末出家者自相矛盾矣文皇之序降於貞觀廿二年八月文皇以是年二月幸玉華宮十月乃還則此序自玉

華宮出也又塔銘稱天皇大帝居春宮以廿二年夏
六月製述聖記則亦當以八月同降自玉華宮故於
述聖記之末總而記之曰貞觀廿二年八月三日內
出也又本傳顯慶元年奉敕潤色經文者凡六人碑
只五人無杜正倫本傳又有助加翻譯三人碑亦無
之當由史誤序記雖皆有總將三藏要文凡六百五
十七部譯布中夏之語然當貞觀時所翻經論尚未
就惟西域記十二卷先成文皇及高宗先作記序賜
之顯慶初乃更令于志寧等詳加潤色踵而成之耳
翻經潤色皆由奉敕集書則懷仁所自爲故自貞觀

廿二年至咸亨三年歷二十五年乃成不稱奉敕也
後記不知出自何人手蓋亦唐人所作宋經生所書
余以康熙六十年見自京師中有元奘求序表謝序
表及文皇兩敕皆世所未有因屬蔣生師淵仿懷仁
例集右軍書經年乃就及余司封吏部官居多暇乃
臨一本以之而南過淮陰程生尊江取以勒石乃更

臨一本藏之

竹雲
題跋

今在西安府儒學碑首有佛像七皆極精緻世所傳
七佛頭也宏福寺僧懷仁集王羲之書太宗序高宗

記太宗批荅并心經

雍州金
石記

右三藏聖教序并記宏福寺沙門懷仁集王右軍書
元奘以貞觀元年遊西域十八年始還得經典六百
五十七部奉教子宏福寺翻譯元奘表求御製經序
凡再請乃許焉二十二年序成命宏文館學士上官
儀於明月殿對羣僚讀之元奘奉啓陳謝賜教褒荅
已而皇太子復爲撰記元奘啓謝東宮亦賜教荅褚
王所書惟序與記爾此復附以荅教及教并心經於
後蓋右軍真跡世不多有而集古人書愈多則愈難
此懷仁之以多自誇也舊唐書元奘傳顯慶元年高
宗令左僕射于志寧侍中許敬宗中書令來濟李義

府杜正倫黃門侍郎薛元超等共潤色元奘所定之
經國子博士范義頽太子洗馬郭瑜宏文館學士高
若思等助加翻譯此碑列潤色諸臣名獨無杜正倫
不知何故也

潘研堂金石文跋尾

唐文皇製聖教序高宗作記沙門懷仁集右軍書河
南褚登善所書序記分刻二碑龕置慈恩寺塔下同
州又有褚書刻本序記并爲一碑蒼潤軒帖跋有褚
公行書聖教序刻於咸亨三年金石錄載有王行滿
正書聖教序并記在顯慶三年是聖教有五本矣第
褚公行書本與王行滿本儲藏家罕著於錄予以懷

仁雁塔兩本校勘其文字多寡有不同者按高僧傳元笑於武德末往西佛地取經積十八年以二象馱經歸譯經既竣手敕褒美又令翻老子五千文爲梵言以遺西域道士蔡晃成英等競引釋氏之論笑以爲若翻老序則恐彼以爲笑林遂不竟譯而欲流布西佛地諸經乃上表求序表奏之日敕遂許焉上謂駙馬高履行曰汝前請朕爲汝父作碑今氣力不如昔願作功德爲法師作序不能作碑汝知之貞觀二十二年幸玉華宮追笑至問翻何經論荅正翻瑜伽上問何聖所作明何等義具荅已令取論自披閱遂

下敕新翻經論寫九本頒與雍洛相克荆揚等九大
州英又請經題上乃出之名大唐三藏聖教序於明
月殿命宏文館學士上官儀對羣僚讀之其詞曰蓋
聞二儀有象云云百寮稱慶英表謝尋下敕曰朕才
謝珪璋云云又重表謝又下敕曰朕往不讀經云云
皇太子述上所作三藏聖教序作記曰夫顯揚正教
云云石刻聖教無此諸行本末未備因附書於後若
宋端拱元年沙門雲勝分書新譯聖教序姑置勿論
也又按聖教序所云三藏要文凡六百五十七部譯
布中夏考唐智升所撰開元釋教錄元英所得大乘

經一百二十四部大乘論一百九十二部上座部經
律論一十四部大衆部經律論一十五部三彌盧部
經律論一十五部彌沙塞部經律論二十二部迦葉
臂邪部經律論一十七部法密部經律論四十二部
說一切有部經律論六十七部因論三十六部聲論
一十三部凡五百二十夾六百五十七部與此序合
但元大德十年所刊法寶勘同總錄載大唐三藏元
奘譯於玉華宮經本自天字號至柰字號六百卷爲
六十帙其中多分二十七卷合之放光般若波羅蜜
多經三十卷亦合六百五十七部之數然江西吉州

路前官講報恩寺講經論釋克己序總錄云爰自漢唐歷代帝王公卿翻譯接武金壁未完因命三藏義學沙門慶吉祥以翻漢本參對華梵對辨名題各標是元奘所譯經部爲元釋更易恐非其舊也

古石
現存

按是碑立於咸亨二年實高宗二十一年以諸人官職考之志寧遷太子太傅尚書左僕射來濟遷中書令在永徽二三年許敬宗以永徽初遷禮部尚書薛元超在顯慶初爲黃門侍郎遷右庶子李義府以永徽六年爲中書侍郎右庶子其距咸亨或十三四年或十七八年矣其時志寧沒已十二

年來濟戰歿於廬州亦十年許敬宗是年致仕李
義府先已流嶺州元超亦坐爲義府請馬貶簡州
是所書官職皆非是年之官也蓋是序是記之成
在貞觀之末而懷仁所集必刺取右軍各書比其
大小聯其行楷窮年逾月銖積寸累然後造以有
成故遲至二十餘年後始勒于石也所列諸臣之
銜皆就其先後奉敕時官銜書之非咸亨時現在
之銜也潤色云者諸臣在任時各帶其職於元奘
譯經意義異同加之審定若謂潤色懷仁之書則
舛矣雖然時至咸亨敬宗罷義府竄忠佐之公論

稍伸於上下而沙門輩惟知官闕爲榮竝舉而列之豈復知有所好惡去取哉且此碑所列止六人而大奸居其二元超亦奸黨也君子少而宵人多觀此又可知佛教之龐雜已碑中所刻太宗序高宗記文俱同前不重錄其元奘謝表文皇再荅敕係從他本補入非本碑所有因低一格書以別之至此碑經萬歷乙卯地震塔頂墜壓碑斷爲二首行晉字末行林字一路皆有裂紋故好事者以不斷本爲貴但此後翻本極多加孟津王鐸本西安荀氏本皆極工可以亂真并識於此

王行滿書聖教序

碑高八尺四寸廣四尺三寸五分二十八
行行五十六字正書篆額在領師縣學宮

大唐三藏聖教序

太宗文皇帝御製 門下錄事臣王行滿書

序文同前

皇帝述聖記 在春官日製

記文同前

奉 爲招提寺

顯慶二年歲次丁巳十二月乙卯朔十五日己巳建

刻字臣沈道元

寶刻類編有此碑玉海引兩京記云元奘與惠明靈
潤等翻定六百五十七部太宗制三藏聖教序按聖
教序凡有四本一永徽四年一龍朔三年皆褚遂良
書一成亨三年懷仁集王羲之書俱在關中行滿書
尚有韓仲良碑在陝西富平縣而書名不顯竇欸述
書賦亦無其人觀其用筆端方絲密綽有姿致不在
遂良之下蓋當時御製自皆擇善書人寫刊偶不顯
于史耳碑在招提寺不知何人移至學宮招提寺者
太平寰宇記云緱氏縣古滑城在縣東一十八里城
在縣東一十八都城東角有招提寺今假師兼有漢

緱氏地也

中州金石記

同州聖教序

石高九尺一寸五分廣四尺六寸二十九行行五十八字正書在同州

褚遂良書

文同前

龍朔三年

此以序記并書一碑在同州後署龍朔三年書似勝
慈恩本右二碑王元美考年代官品以爲不合署
名處疑皆後人附益良是但元美未嘗至關中遂不
知二碑所在耳余又按玉海太宗製聖教序高宗爲

太子又述記并勒碑置慈恩寺浮圖永徽四年十月
褚遂良書則大塔本似是真蹟而同州本反勝何也

石罨
鐫華

按舊唐書褚遂良傳永徽元年出爲同州刺史三年
徵拜吏部尚書顯慶三年卒於愛州至龍朔三年則
遂良之亡已五年矣恐是後人追刻也 王宏撰曰

碑後有大唐褚遂良書在同州倅廳十一字當是後

人補書法亦微不類

金石文
字記

同州河南所書聖教序記蓋非手書上石公歿同人
不勝桐鄉之思復摹刻官所實記所建歲月初不計

其存亡其兩地字跡不同者摹手異耳

庚子信
夏記

褚河南聖教序有三本行書一楷書二行書立石在懷仁集右軍書時二十餘年前爲宋道君瘦金書之祖今已亡之惟二楷書尚在一在雁塔一在同州在雁塔者乃其原本在同州者則河南既歿後好事者以河南嘗刺同州故以雁塔本更刻一石以志甘棠不忘之義也玩後欸但記立碑年月不稱官爵至大唐褚遂良書在同州倅廳十一字并不復摹褚書古人質直明示此本爲復刻余得萬歷閒舊本模糊不可奈及在京師汪退谷以新塌一本遺余瓊巖既

佳字尤清楚勝舊搨十倍問之退谷云曾至同州親
爲洗刷亭以覆之乃知唐人碑碣苟得好事者精意
殖蠟皆可十倍舊搨惟恨陝人以惡烟籠紙率略搨
實以爲衣食資則全泯本來耳退谷又言碑字刻法
皆直下畫底皆方深得漢人手意然刻旣精妙如此
而傳摹反至失真何歟

竹雲
題跋

余于雁塔同州二刻之外又得一木年月同雁塢本
而字法不同碑已有斷蝕處不知此碑在何所諸評
論者皆不之及焉蒼潤軒帖跋論稍公眞書聖教之
後又一條云稽公行書聖教序碑立于懷仁集右軍

書時蓋是咸亨三年然則褚公聖教序實有四本又金石錄載有王行滿正書聖教序并記在顯慶二年余亦收得一本

觀妙齋金石考略

按慈恩寺雁塔下褚書聖教序序記各爲一碑此碑有序無記亦無兩答敕末書大唐褚遂良書龍朔三年建公以顯慶二年徙桂州未幾貶愛州刺史歲餘卒則卒當在顯慶三年時年六十有三其爲同州刺史年纔五十餘耳先是高宗永徽元年公坐事出爲同州刺史四年九月復爲尚書僕射雁塔之刻固直其時若同州之刻乃在龍朔三年

是時公去同州二十一年而距公之卒亦二年有餘蓋爾時梵筴西來朝野動色皆謂得未曾有競相傳寫公之所書自非一木畱傳在同州後人重其書法之工與風節之峻故歿而猶刻之惟公已被災遂故雁塔本結銜于序書中書令臣於記書右僕射上柱國河南郡開國公此僅書大唐褚某蓋官階削去刻者不敢仍其舊且此一行孫氏鑲斥爲拙滯蓋後人所增非褚筆也公貶同州刺史何以書於作屬尤不可解王氏世貞及孫氏謂雁塔同州皆屬重摹本此三碑余曾親至其下拂拭

而摩挲之石最堅雁塔更勝迄今光澤如鏡原刻
無疑可以破耳食之謬

金石萃編卷四十九終

金石萃編卷五十

賜進士出身 誥授光祿大夫刑部右侍郎加七級王昶撰

唐十

房元齡碑

碑連額高一丈二尺九寸廣五尺三十六行中段磨
劫每行約八十一字正書額題大唐故左僕射上柱
國太尉梁文昭公碑十六
字篆書在醴泉縣昭陵

大唐故尚書左僕射司空太子太傅上柱國贈□□并
州都督□□□□□□□□

蓋聞翊亮天儀處師臣者叅聖丹青景化應圖祥者鄰
幾若乃 □靈□□□□□□□□□□
測□之表徑綸帝

績仰代元造之功論道太階獨見於文昭公 公諱顯

齡字□□□□人也下□□□□河□繼響承家

鎮聞韶之雅俗曾祖□□□安太守□□武□□

□應清□□□□下□□□□ 皇朝贈徐

州都督臨淄定公□以□成□由言□通德之門早開

□□□□之□□□□□□下□□□精通末兆同后

部之克疑良由□然體曲异之多才□□□□□□

□□□□□□□□□□下□□□□□□□□年

十有八俯從賓貢澹乎臧器世莫能知□部侍郎□□

基□□之□□□□□□□□下之□□□□□□□□

□成□簡詔徵碩老典技缺文□非學擬更生方膺妙

選□□□□□得□□公以□□□□□□□□□□

□□□□□□□□□□外□歲序纏懷終身永切

至哉天性獨越人靈於時□□□□□□□□□□

□□□□□□□□□□□□□□□□□□□□□□

□□□□以□□□□□之鑒方深在懸憂而未晞□如

之寄斯重 太宗時稱元帥乃命公爲記室於是館

戎習禮奉□司□之□□□□□□□□□□□□□□

□□□□□敵飛箭下億丈之城故以激暢軍謀剗舞

干而制勝宏宣 廟略□□□□□□□□□□□□□□

□□□□_下□□□□□□□□□□公爲冠首累加上柱國

封臨詣侯俄而□□□□□□禍胎滋蔓□叔□兵□□□

□□□□□□□□□□□□□□而□主約沉族以酬

恩俄然內□□□□英威慕統引公爲右庶子□□□□

□□□□□□□□□□太宗御製遷中書令封邢國

公邑三千戶□食□州賦一千三百戶□□□□□□

□□□□_下高祖太宗二實錄合卺卷晉□周□□□□

□史合三百□七□復□□□□□□□□□□_下□□

□□□□□獨□□□□□矣俄遷尚書左僕射當朝

作紀巨□□分□國□□鴻□必舉□衡□□□□□

□□□□□_下高補升遐 帝不言政吉凶□務大小

責成園寢□□□副□□□□□□□□□□□_下

□□□□□□□□喻奄宅於龜蒙公固辭裂土 詔

從其義尋加太子少師□□二□並□□□□□□□

_下關□□□□□□□□土斯平致河圖於東序泊乎

今上升儲道光守噐長奉□□方嗣虞風仙□流聲□

揚□化□□□□□□□□□□_下關風□□□□□□

□寓故藉羲馭之功少海滄霄尚假朝宗之助增天益

峻意在茲乎尋而□□□□□□□□□□□□□□_下關

□□□□□□□□□□撥亂飲雪披榛晚贊天□憂深

□□□□□□□□□□□□□□□□□□□□□□□□

責厚罄其□□□此沉□古人有言曰形大勞□□□

下□□□□□□□□□□
太宗驚其□憂親加察

問方依實奏 帝用撫然馳遣良醫并賫御藥□□□

□□□□□□□□□□下關□□□□□□□□殊不□身憫視光陰益深

憂國高陽公主爲其子妻□□陳□□逾□□□□

□□□□□□□□□□下□□□□□□□□□□將第

三子遺則爲朝散大夫使及目前見其通顯恩波□□

□□無□□□□下關 太宗俯闕臣□悼藏舟之夜失

今上紉惟過隙□□□之□□□紹□□□□□

下賜□□□□□□□□□□□□鼓□班劍卅人葬事

所頒並令優給仍特降旨許墓禱遂臣

之

闕下

並神契德洞天經體

識而識歲踰

闕下

山不復逝水無追家與而謀曰昔國

懷音闕下

辰精降說華靈誕震台嶽資神齊光合峻我綱

掩道契文聲闕下

聖賢同德君臣協志穹壤

平幽返必□□□□□□□□□□□□□□□□

□□□□□□□□□□□□□□□□_陽□□□□□□_下樽挾詞雕煥始發

如綸俄成壯觀□□_陽務玉鉉調□儀形濟濟□□□

□□□□□□□□_下□□□□□□□□□□□□□□

□□門當魯館郅照姬車□居昭儉□□防□□崇□

□□_陽還情返□□□□□□□□□□□□□□□□

□□_陽□□□□□□□□□□□□□□□□易□□道

難名德暉不昧環景齊明

右唐房元齡碑文字磨滅斷續不可考究惟其名字

僅存其後題修國史河南公而名姓殘闕者稍遂良

也按舊唐史云元齡名喬字元齡而新史乃云名元齡字喬今碑所書與新史合惟宰相世系表又云元齡字喬松者不知何所據也

金石錄

碑已泐僅存六百餘字褚河南正書結法與聖教序同可寶也舊唐書諱喬字元齡碑曰諱元齡字喬當是以字行後復以名爲字耳新唐書從碑

石墨
鐫華

碑舊爲趙子函所跋云僅存六百餘字今余所親者又加殘矣碑作諱元齡字喬

子函所跋本

與新唐書本傳

合而宰相世系表又云字喬松當亦據其家譜所錄故與傳及碑小異耳然此亦宜依碑爲據也又表所

載尤不合者元齡子遺直禮部尚書次遺則次遺愛
太府卿益以遺則爲元齡第二子今以碑推校明云
第三子遺則爲朝散大夫字獨完好無損而表書作
第二誤也又不顯書遺則歷官亦疎略失檢然則是
碑雖磨泐而所裨益史傳如是其可珍惜多矣況出
於荒塚廢墟其文猶幸可見而世徒滅裂不學則概
以耳食易之是尤可哀也夫

長堂金石
瑛

按此碑書人姓名金石錄猶及見河南公字樣今
已不可復見碑闕斃年若干及立碑年月舊書傳
云年七十新書傳云年七十一未詳孰是舊書傳

敘元齡之薨在二十三年太宗駕幸玉華宮之後
高宗嗣位之前太宗本紀書房元齡薨在二十二
年七月癸卯是年二幸玉華宮至十月還其二十
三年四月乃幸翠微宮非玉華宮此則舊書傳誤
也然則薨在貞觀二十二年而碑有今上緬惟過
隙及班劍卅人葬事所須竝令優給乃特降旨許
口墓碑之語是立碑在永徽初年也褚遂良傳高
宗卽位封河南縣公進郡公出爲同州刺史再歲
召拜吏部尚書同中書門下三品監修國史高宗
本紀永徽三年正月己巳褚遂良爲吏部尚書同

中書門下三品則稽公之書碑在永徽三年矣本
紀又書四年二月甲申駙馬都尉房遺愛謀反伏
誅而碑未見及此事則碑立于永徽三年更無可
疑者舊書云房喬字元齡新書云房元齡字喬貞
觀政要則云房元齡名喬以字題石墨鐫華所謂
以字行者本於此也碑有高祖太宗二實錄合冊
卷之語兩書傳皆未敘及舊書經籍志云高祖實
錄二十卷房元齡撰太宗實錄二十卷房元齡撰
與碑合新書藝文志則云高祖實錄二十卷敬播
撰房元齡監修許敬宗刪改今上實錄二十卷敬

播頌允撰房元齡監修是新書較詳于舊矣

萬年宮銘

碑連額高七尺一寸廣三尺一寸二十六行行字三
十七至四十二不等行書篆額萬年宮銘四字今在
麟遊

萬年宮銘 并序

御製御書

朕聞金臺造造超忽崐閩之間玉闕參差綿邈蓬瀛之
際是以周王肆轍唯招既往之僊漢帝遐遊空益將來
之弊豈如岐陽峻昇鎮茲京甸疏林光之別館建甘泉
之離宮東望翦華千林結影西瞻隴阪派水分流南俯

茶原風雲交映北臨石柱川岳

朝宗

迴孤岑秀三襲

於霞表斜、危路環九折於雲心復澗澄陰扇炎風而

變冷重巒潛暑韜夏景而飈寒故知五鎮之基空号神

州之地三仙之嶺虛傳靈府之都未若翦石裁宮構飛

檐於迴漢騰

虛

架宇聳紫殿於遙空百仞朱樓月盈虧

於青瑣千尋翠閣雲舒卷於丹墀岫綴霞衣點虹梁而

散錦巖飛瀟帶瀆石砌而飛珠浮涼氣於彤闥蓮畱花

而雪夏凝清陰於碧沼池結鏡而冰春泉

起花

岑口雙

口而吐秀波搖錦石皎兩鏡而騰暉幾片斷雲縈松合

蓋數蕤幽桂極月分香暝壑棲煙籠干

崖

而散碧朝原

上日輝四野而舒紅咲樹餘花
乍空落影吟風宿鳥響

蒼雙騎口不恨而虛啼蝶無口而起舞朕載懷千古流

鑒百王思欲屏逸收驕怡神遣慮崆峒訪道欽往哲之

高風姑射尋真挹口脩之口口所以停軒禁藥駐蹕榆

川非欲賞恣盤遊途窮轍迹加以時侵首夏日口餘春

露泣脩篁風清速澗口羅雲起藤蔦星懸可以陶瑩心

靈澄清耳目鏡冰霜則廉潔斯在撫松筠則貞捺非遙

昔姬后西征猶刊弇石秦皇東指尚勒誓峯口勝地口

口何必華胥之國蕭然物外不假壘圍之阿口以劭美

千齡騰徽萬古景其前躅爰紀茲地其銘曰

靈山作鎮挺秀岐陽遠圖天柱迥儷瑤房鸞驕淑氣花
泛韶光樹含冬口巖畱夏霜構宇重嶽栽基疊岫石砌
披錦山窻點繡佩小蘭新峯殘蓮舊雪徑常花冰溪恒
畫標途天外簷闕雲端煙蘿遠谷霧口口口口口口口
口口口口形闕潛暑翠幌凝寒慙駕離宮淹畱禁苑柳
初眉細潭深鏡遠蓋逐雲穿苔隨口卷葉冷帷秋庄濃
口黯泉飛嶺腹景鏤巖心霞疎錦薄草密袍深露荷傾
玉風螢散金檐空鷓靜山昏日沉丘壑怡神林篁賞性
千里眺覽八州口鏡玉燭調序薰琴動詠仰則口山刊
規遠暎

大唐永徽五年歲次甲寅五月景午朔十五日庚申
建

碑陰題名

陰分兩截皆二十二
行行字不等正書

奉勅中書門下及見從文武三品以上并學士並
聽自書官名於碑陰

太尉楊州都督監修國史上柱國□□公臣無忌
司空上柱國英國公臣勣

使持節遂州諸軍事遂州刺史上柱國韓王臣元嘉
使持節壽州諸軍事壽州刺史上柱國鄧王臣元裕

右衛大將軍使持節鄜州諸軍事鄜州刺史上柱國
趙王臣福

曹王臣明

開府儀同三司上柱國鄂國公臣敬德

尚書右僕射監修國史上柱國河南郡開國公臣遂
良

光祿大夫上柱國莒國公臣唐儉

侍中柱國固安縣開國公臣崔登禮

中書令監修國史上騎都尉臣柳口

銀青光祿大夫行黃門侍郎護軍潁川縣開國公臣

韓口

銀青光祿大夫行中書侍郎監修國史學士臣來濟

左驍衛大將軍上柱國隴西郡王臣口口

右驍衛大將軍上柱國張掖郡開國公臣契苾荷力

左武衛大將軍檢校右屯營上柱國薛國公臣阿史

那忠

左武侯大將軍檢校右屯營上柱國鷹門郡開國公
臣口達口

太常卿兼攝岐州刺史上柱國壽陵縣開國侯臣柳

亨

金紫光祿大夫行衛尉卿上柱國高陽縣開國男臣
許敬宗

金紫光祿大夫行宗正卿上護軍高都縣開國男臣
李緯

金紫光祿大夫行殿中監上柱國武強縣開國男臣
趙元楷

銀青光祿大夫守兵部尚書上輕車都尉臣唐臨
祕書監駙馬都尉上柱國臣長孫沖

金紫光祿大夫行司農卿宋城縣開國伯臣蕭欽
太僕卿上柱國平武縣開國男臣張大師

左衛將軍兼太子左衛率上柱國郃國公臣郭廣敬
右衛將軍檢校右屯營上柱國豸吾縣開國公臣豆
盧承基

左武衛將軍兼太子右衛率上柱國永富縣開國公
臣竇智純

左武衛將軍上護軍臣史元施

御史大夫柱國清丘縣開國公臣崔義元

右武衛將軍行賓州刺史上柱國口口郡開國公臣
馮口翹

左領軍將軍上柱國汶川縣開國男臣趙孝祖

右領軍將軍柱國臣李義辭

左領軍將軍臣口仁口

左武侯將軍檢校左屯營上柱國神泉縣開國男臣
權善才

左武侯將軍上柱國臣趙道興

左監門將軍上柱國汶山郡公臣仇懷吉

右武侯將軍上柱國晉陽縣開國侯臣王文度

前汾州刺史柱國蘄春縣開國伯臣元武榮

雲麾將軍上柱國丹陽郡開國公臣李客師

雲麾將軍上柱國陽平縣開國子臣侯貴昌

兼左衛將軍駙馬都尉上柱國檢校右衛將軍通化
縣開國男臣賀蘭僧伽

前同州刺史上護軍平恩郡開國公臣劉善曰
左監門將軍上柱國魏縣開國公臣常基

兼右武侯將軍柱國長山縣開國男辛文陵
中書舍人兼修國史習文館學士臣李義府

朝議大夫守中書舍人汾陰縣開國男羅文館學士
兼修國史臣薛元超

太子洗馬學士臣上官儀

右唐高宗自爲萬年宮碑宰相而下皆題名于其陰

余每覽此碑見長孫無忌褚遂良許敬宗李義甫同時列名未嘗不掩卷太息以爲善惡如水火決不可同器惟人主能辨小人而遠之然後君子道長而天下治若俱收竝用則小人必得志小人得志則君子必被其禍如無忌遂良是已然知人帝堯所難非所以責高宗也

金石錄

萬年宮卽九成宮改名高宗幸而銘之書之也行草視英公碑尤爲勁拔 碑陰云奉敕中書門下見從文武三品以上竝學士并聽自書官名于碑陰後列從官五十餘人長孫無忌李勣褚遂良輩皆與焉書

名大小不倫然皆有法卽契苾賀蘭亦不草草一時之盛令人仰想其後武氏亂之而不復可觀矣

石學
鐫華

舊唐書高宗永徽二年九月戊戌改九成宮爲萬年宮乾封二年二月辛丑改萬年宮依舊名九成宮冊府元龜永徽五年五月制萬年宮銘刻石於永光門外仍令中書門下及文武三品已上并學士自書名位于碑陰刻之

金石文
字記

初唐帝王畱心書學太宗每得二王帖輒令諸王臨五百遍另易一帖故所書多可觀至太宗晉祠碑不見佳不如淳化帖中諸書高宗萬年宮銘筆致生動

有晉人遺致勝似所書李勣碑

庚子銷夏記

右萬年宮銘末題大唐永徽五年歲次甲寅五月景
午朔十五日庚申建五字甲寅字雖殘闕猶依稀可
辨以溫公通鑑目錄推之是年五月正丙午朔趙氏
金石錄以爲永徽六年者誤也 碑陰列名者凡四
十八人無忌勣敬德遂良四人以官高故不書姓敦
禮以下四人中書門下官也儉曾爲兩省官以致仕
故列于見任兩省官之前口口以下四人皆大將軍
也柳亨以下八人皆卿監惟唐臨以尚書次其間然
則唐初六曹尚書班視卿監矣自廣敬至文陵廿人

其十七人皆將軍也而義元以御史大夫武榮善英以前刺史參錯其閒御史大夫皆三品上州刺史亦三品也義府元超儀皆學士官未登三品故敘於文武三品之下韓鄧趙曹四王官或刺史或大將軍或併無官而列敘於太尉無忌司空勣之下開府儀同三司敬德之上然則唐時諸王班在真三公之下開府之上也元嘉官遂州刺史福官鄜州刺史儀官太子洗馬學士新舊書本傳皆不載而洗馬學士之名百官志亦未之及

潘研堂金石文跋尾

碑云曰軒禁鎮駐蹕榆川舊唐書高宗本紀永徽五

年春三月戊午幸萬年宮卽其事唐會要永徽二年

九月改九成宮爲萬年宮五年三月一云五月親制萬年

宮銘并序七百餘字羣臣請刻石建于永光門外從

之卽今此銘也制銘在三月立石已當五月會要故

兩存之萬年宮紀言永徽二年九月癸巳改九成宮

爲萬年宮唐書地理志作三年者誤下于乾封二年又書二月辛

丑改萬年宮依舊名以薛仁貴傳按之永徽五年高

宗幸萬年宮甲夜山水猥至衝突元武門後開耀元

年復召見謂曰往九成宮遭水無卿已爲魚矣同地

而前後異名以見舊史之核因跋此銘附識于此

授

金石

按此碑建於永徽五年五月唐書本紀是年三月
戊午幸萬年宮九月丁酉至白萬年宮蓋在宮八
閏月也三月爲丁未朔戊午爲十二日其時正當
春春文有云加以時侵首夏日口餘春露泣修篁
風清遂澗確是三月幸宮之證唐會要注一云五
月者非也當是文成於三月碑刻于五月耳碑文
琢句鍊字極盡妍麗得泮奘優游之致迨閏五月
丁丑水漲暴溢漂溺麟遊居人及衛士死者三千
餘人舊唐書本紀特書之語又見唐書薛仁貴傳

回視此碑所云憂樂之情景迥別矣薛仁貴在從官之列今碑陰有左領軍將軍臣口仁口當卽其人稽之本傳則其時仁貴官右領軍中郎將與碑少異耳碑陰列從官四十八人取碑與史傳互校著其同異於後曰長孫無忌碑云太尉揚州都督傳則云太尉檢校中書令也曰李勣傳稱武德二年歸朝封英國公徒封曹永徽四年冊進司空是勣之徒封曹國已久而碑則仍稱司空英國公也曰韓王元嘉傳稱高祖子初封徐貞觀九年更封韓遷滑州都督高宗末爲澤州刺史而碑則云遂

州刺史傳所無也曰鄧王元裕傳稱高祖子碑云
壽州刺史而傳亦無之曰趙王福傳稱太宗子累
遷梁州都督而碑則云鄜州刺史也曰曹王明傳
稱太宗子累爲都督刺史而碑無之曰尉遲敬德
碑云開府儀同三司鄂國公與傳合然傳載從太
宗討高麗師還已致仕矣此時猶從幸則傳未詳
也曰褚遂良碑云尚書右僕射監修國史河南郡
開國公與傳合曰唐儉碑云光祿大夫莒國公與
傳同而傳則又云永徽初已致仕加特進也曰柳
口碑泐其名其官中書令監修國史上騎都尉以

傳考之當是柳奭永徽三年代褚遂良爲中書令
仍監修國史也曰韓口碑泐其名其官行黃門侍
郎護軍潁川縣開國公以傳考之當是韓瑗父仲
良封潁川縣公瑗於貞觀中襲爵永徽三年遷黃
門侍郎與碑合也曰契苾荷力傳作何力永徽中
官左驍衛大將軍封郕國公碑則云右驍衛大將
軍張掖郡開國公與傳不同曰阿思那忠碑云左
武衛大將軍薛國公傳則右驍衛也曰柳亨卽澤
之曾祖碑云太常卿兼攝岐州刺史壽陵縣開國
侯傳則云三遷左衛中郎將壽陵縣男貶邛州刺

史進散騎常侍拜光祿少卿終檢校岐州刺史也
曰許敬宗碑云金紫光祿大夫行衛尉卿高陽縣
開國男傳云太宗時封高陽縣男高宗卽位遷禮
部尚書被劾除鄭州刺史復官爲宏文館學士曰
李緯曰趙元楷俱無傳曰唐臨碑云守兵部尚書
傳則云永徽元年拜御史大夫累遷吏部尚書也
曰長孫沖卽無忌子碑云祕書監駙馬都尉史于
公主傳則云太宗女長樂公主下嫁長孫沖長孫
無忌傳則云無忌削官後流其子祕書監沖等於
嶺外也曰蕭欽無傳曰張大師碑云太僕卿平武

縣開國男傳則云太僕卿華州刺史武功縣男也
曰郭廣敬曰豆盧承基曰竇智純曰史元施俱無
傳曰崔義元碑云御史大夫清邱縣開國公傳則
御史大夫爲近官而清邱縣公是太宗討王世充
以前封也曰馮曰翹曰趙孝祖曰李義辯俱無傳
曰曰仁曰疑卽薛仁貴說已詳前曰權善才無傳
曰趙道興碑云左武侯將軍而舊書傳則云右武
侯將軍賜爵天水縣子也曰仇懷吉曰王文度曰
元武榮俱無傳曰李客師舊書同新書作容師碑
云雲麾將軍丹陽郡開國公而兩書傳皆云官至

右武衛將軍累封丹陽郡公永徽初致仕也曰侯
貴昌無傳曰賀蘭僧伽亦無傳惟公主傳云高祖
女房陵公主下嫁竇奉節又嫁賀蘭僧伽卽其人
也曰劉善因曰常基曰辛文陵俱無傳曰李義府
碑云中書舍人監修國史宏文館學士與傳合曰
薛元超碑云朝議大夫守中書舍人汾陰縣開國
男宏文館學士俱與傳合其汾陰男乃襲父收爵
也曰上官儀兩唐書俱云貞觀初舉進士授宏文
館直學士遷祕書郎轉起居郎高宗卽位爲祕書
少監碑則云太子洗馬學士與傳異也碑陰四十

水之基十臣崇鑄宮之業遂使體靈垂拱成俗□□□
□□□□□□□□□□□□□□□□□□□□□□□□□□□□
□□之期預□試之謀猷叅隨山之經啓位隆政本榮
重分符騰芳五牛之旌勒功九龍之鼎□□潁川定公
矣

公諱

良字仲良潁川人也昔獻子輔政名重六卿師伯

執鈞譽高三季寔潁川之望族乃鄴邑之華宗者也代
有名臣家傳懿德冠冕被乎青史功業著於丹□茂績
洪烈可略言矣曾祖□魏征虜將軍恒州刺史受律清
廟威震細柳之軍分竹六藩聲冠雲中之守祖褒魏侍

中周使持節閩府儀同三司原涼二州摠管□□少保
□□貞公從政□□六□以宏政本贊化□路三孤以
闡皇猷父紹周昌樂郡守隨儀同三司驃騎將軍衛尉
少卿金崖縣開國公織典五戎□□□□□□□□□□
令英聲冠於棘□惟公稟氣□和降神靈嶽含章毓德
敬業居□立身極於九言追孝盡於三道稽覽握河之
異說盡性知微旄頭嵩□□□□□□□□□□□□
□□□□濯清江辯溢談叢若長河之瀉砥柱類子將
之甄□俊造俟以彈冠方林宗之題目通賢佇以結綬
可謂衣冠之領□□□□□□□□□□□□□□□□□□

口學至仁壽口季被舉授吏部朝散郎習業璧池譽光
函丈策名禮閣聲動周行大業元季除河東郡司功書
佐九季口口口口口口口口口口口口口口口口對揚
丹陛風範映於簪纓敷奏青蒲韶音振於金玉百寮爲
之矚口九流於焉傾首十二季丁父憂同高柴之泣血
三季類曾參之不食口日對風樹而愈感踐霜露而增
哀時屬金鏡口光望夷有弑酷之禍玉繩掩曜成周致
蒙塵之災於是四海混淆九圍版蕩我高祖乘時
撫運出震握圖膺五運之寶符定九牧之神鼎靈冠紫
綬資帛嘉於琳瑯裂土剖符寵命屬於翹楚乃授公銀

青光祿大夫馮翊郡丞京師擁叛殷之徒布口野之秋
率怨秦之卒拒霸上之師地陣其張佳兵於是喪律天
羅雲布口池所以失險公運制勝之謀當嚙庸之賞加
左光祿大夫賜物七百段授大理少卿口斯三口罷人
絕於嘉石察茲五禁冤氣散於貪扉三季奉使入蜀

勅便宜從事公傳檄而服冉駝折簡而降彭濮遂使斯
榆稽首庸蜀順化 太宗口膺口口口敷化陝服握

兵符以清國步施文德以格遠人公與行臺僕射屈突
通禮部尚書溫大雅或竭忠以匡多難或勵行以革頹
風或博識該於石渠或繕藻麗於口口所以特降 詔

旨令事府幕尋授陝東大行臺左丞五季判天策府從
事其季劉黑闥荐食三魏吞噬兩河爰 詔中權以申
薄伐以公爲元帥府長史公陳擊貞破方之略建塞井
滅寇之謀似白起之拔夷陵如柴口之屠叅合策功行
賞授上柱國賜口十人物六百段復攝天策府司馬檢
狁孔熾背約違盟騎入蕭關兵屯柁邑 主上情存殺
撫未動干戈令公銜命虜庭示其禍福公曉之以逆順
喻之以安危若數項王之十僭似責息侯之五犯遂使
尸逐膜拜谷蠡屈膝旣立和戎之功遂降殊常之賜又
攝吏部侍郎九季復轉陝東大行臺戶部尚書其季又

除安州大都督貞觀元年 詔授戶部尚書三年改除
刑部尚書施七教以口人掌五刺以口獄司會之職允
口常伯之望愈隆秦川大藩天口口鎮首口之任本籍
英才授公右光祿大夫秦州都督府長史摠檢校口府
事封潁川縣開國公昔膠西爲國相之者仲舒梁孝口
藩輔之者長孺口口口口之業光盤石之宗以公方
之彼有懋德口輔仁無爽調一氣於泰階口口口口
口口口口口豈謂素王入夢忽悲辰巳之季豎子爲災
翻厄膏肓之疾貞觀十二年遘疾薨於安興里第春秋
五十七昔柳莊長逝衛喪口口口口口口口口口口

今方古異代同傷 詔贈兵部尚書餘官封並如故諡
曰定公禮也其季十一月五日遷厝於雍州三原縣宏
化鄉永徽五年 詔贈太子太保□□□□公雅量
汪汪澄波瀾於萬頃宏材鬱鬱挺棟□於千尋以□禮
爲隄防將仁信爲介胄漢考故事首問於伯仁晉訪舊
章先請於武子偶潘而稱趙野□□而□仙舟牆仞難
踰遠方日月芬芳可習近譬芝蘭家行著於鄉閭美譽
滿於簪紱積善餘慶人物邁於三□庭訓有方世德光
於萬石口行□□重一時□□地遊瑩湮□庫寒
來暑往墓入齊宮所以勒徽烈於豐碑樹華表於神道

乃爲銘曰

口精握圖赤口表震翦商功立開口口盛若木分枝口
原得姓獻子匡國司空口政門挺台輔世誕英哲三相
之昆五侯之寶金聲玉振蘭芬冰潔節固捐雲口口貞
口世逢運否時遇國七玉口口跡金雞失晨黃道積霧
絳闕飛塵寶焚崑岫鼎沒泗濱電照典 王河清啓

聖下截四海上齊七政氛靜地與雲開口口業預練石
功叅佐命擁節劔門口官列棘口亞八柄聲高六職始
司天憲爰掌邦則鳴玉趨朝析珪開國駸駸陳駒滔滔
逝水寶喪珪璧采摧杞梓儵口口口口口萬里魂掩一

丘名傳千口口墳已卜滕室初開口馬口步廣柳俳何
舟遷巨壑水淺蓬萊勒茲瑰習長旌夜臺

永徽六年歲次乙卯三月辛未朔十四日甲申建

碑上半已漫滅可識者有云上柱國燕國公于志寧
文門下錄事王行滿書公諱良字仲良云云按此碑
碑首無姓碑文中書姓處亦磨泐不可辨今碑中有
獻子輔政云云當姓韓考唐書韓瑗傳父仲良終於
刑部尚書秦州都督府長史今碑與傳合碑稱諱良
字仲良或史以字爲名耳其世次與謚可以補史之
闕又史稱仲良於武德初定律令碑中不載碑雖殘

闕如載之似應約略可識今竟無之爲不可曉也

雍州

金石記

按碑文云潁川之望族豐邑之華宗史記韓世家

韓之先與周同姓姓姬氏其後苗裔事晉得封于

韓原曰韓武子三世韓厥號爲獻之傳至王安爲

秦虜盡入其地爲潁川郡韓遂亡此韓氏所以爲

潁川人也北周書韓褒傳云其先潁川潁陽人也

徙居昌黎兩唐書韓瑗傳皆云京兆三原人而碑

作潁川人仍舊貫也碑云曾祖口魏征虜將軍恒

州刺史而碑泐其名以唐書宰相世系表考之乃

演也碑云祖襄魏侍中周使持節開府儀同三司
原涼二州總管□□少保□□貞公貞公上闕二
字當是三水北周書韓襄傳詳書官位云魏建明
中起家奉朝請加彊弩將軍遷大中大夫周太祖
爲丞相引爲錄事參軍賜姓侯呂陵氏大統初遷
行臺右丞賜爵三水縣伯轉丞相府屬加中軍將
軍銀青光祿大夫二年爲鎮南將軍丞相府從事
中郎出鎮浙鄭居二年徵拜丞相府司馬進爵爲
侯出爲州雍州刺史加衛大將軍入爲給事黃門
郎九年遷侍中十二年除都督西涼州刺史十六

年加大都督涼州諸軍事魏廢帝元年轉會州刺
史二年進位大將軍儀同三司尋加驃騎大將軍
開府儀同三司進爵爲公武成二年徵拜御伯中
大夫保定二年轉司會出爲汾州刺史四年遷河
洮封三州諸軍事河州總管天和三年轉鳳州刺
史致仕五年拜少保卒贈涇岐燕三州刺史諡曰
貞子繼伯嗣襄之歷官始末如此碑所載從略然
原涼二州刺史傳有涼無原徵不同傳云子繼伯
嗣据唐表襄之子紹字繼伯傳不舉其名而舉其
字豈當時亦以字行耶碑云父紹周昌樂郡守隨

儀同三司驃騎將軍衛尉少卿金崖縣開國公舊
史韓瑗傳云祖紹隋太僕少卿不云衛尉互異也
碑所敘仲良歷官唐傳皆略舊史惟云武德初爲
大理少卿新史惟云終刑部尚書秦州都督府長
史潁川縣公世系表又作戶部尚書以碑證之貞
觀元年授戶部三年改刑部也傳稱武德初受詔
與郎楚之等定律令仲良言于高祖請崇寬簡以
允惟新之望于是採定開皇律行之時以爲便此
事碑所不詳但云授大理少卿口斯三口罷人絕
於嘉石察茲五禁冤氣散於員扉舊史經籍志隋

開皇令三十卷裴正等撰令律十二卷裴寂撰武
德令三十一卷裴寂等撰新史藝文志高煥等隋
律十二卷牛宏等隋開皇令三十卷武德律十二
卷式十四卷令三十一卷注云尚書左僕射裴寂
右僕射蕭瑀大理卿崔善爲給事中王敬業中書
舍人劉林甫顏師古王孝達涇州別駕靖延太常
丞丁孝烏隋大理丞房軸天策上將府參軍李桐
客太常博士徐上機等奉詔撰定以五十三條附
新律餘無增改武德七年上兩書詳略不同然竝
無仲良及郎楚之姓名然則瑗傳語恐未確也仲

良薨于貞觀十二年卽以其年厝于三原宏化鄉
至永徽五年詔贈太子太保明年三月乃建此碑
殆以其時子瑗入相恩澤追及其父也

金石萃編卷五十終